

Universitätsbibliothek Paderborn

**Jacobi Llobetii Leodiensis E Societate Iesv, De Fortitvdine
Et Constantia Christiana Libri Tres**

Llobet de Lanthin, Jacques

Leodii, 1640

§. 7. An qui peste laborantibus ex caritate assistit, in eoque officio moritur,
inter Ecclesiæ Martyres sit accesendus?

[urn:nbn:de:hbz:466:1-49140](#)

146 DE FORTITUDINE
tumulo, & ossa ossibus, cineres ci-
neribus iungerentur.

Ateam quoq; curam, studium
que ponit, quisquis ex caritatis in-
dulgentiâ, peste laborantibus inse-
ruit; eoque nomine sui in pauci
non in vitâ modo (quod altior
animi) sed & à morte contemptor
(quod altissimæ mentis, & hero-
cæ virtutis argumentum est) atque
illustre quoddam martyrij genus
ut in sequenti paragrapho docebi-
mus.

§. 7.

*An qui peste laborantibus ex caritat-
assit, in eoque officio moritur, inter-
Ecclesiæ Martyres sit accensendus*

IN hac quæstione ex me nihil
statuam, nihil definiā: eius cen-
sura ac iudicium esto penes Eccle-
siam, quæ est columna, & firma-
mentum

mentum veritatis. Tantum nostrę
curæ, & laboris erit in medium af-
ferre sanctorum Patrum testimo-
nia; tum etiam Ecclesiæ sensum,
tacitamque approbationem, tum
denique, si quæ pro eo argumento
faciat rationes. Et hæc omnia breui
compendio: plura, qui volet, per-
currat opus P. Theophili Raynau-
di de martyrio per pestem.

*Patrum pro affirmante sententiâ au-
thoritas; & Ecclesiæ sensus.*

Pro hac sententiâ, quæ heroas
illos, Christique pugiles Martyrij
laureâ condecorat; acriter pugnat
Antiquitas, & scriptorum illu-
strium authoritas; è quibus primus
in aciem prodit Clemens Alexan-
drinus, scriptor omnium consen-
su ut antiquissimus, ita & grauissi-
mus.

K 2 Marty-

Martyres ille partitur in duas classes, eosque Christo propinquos facit; qui ad nos & ipse accessit a moris viâ, pro nobis vitam, & sanguinem ponens: ad eum porro & ipsi accedimus, ac propinqui sumus si aut pro ipso morimur, aut pro fratre, ac proximo: eius hæc sunt verba libro quarto Stromatum, ubi de Martyrij gloriâ disputat.

Si vel pro proximo moriaris propter caritatem, existimes Seruatorem nostrum esse propinquum: imo & fratrem: addit enim communius temporis Christianorum appellatione ita nominandum: quod Christi frater vere esset, cuius etiam in alios caritatem, morte ex caritate obitâ loqueretur.

Quisquis igitur in eam arenam descendis, atque occumbis, hunc tibi

tibi titulum erige, hoc tumulo Epitaphium inscribe.

Hic iacet N. Christi propinquus ac frater.

Clementi calculum addet S. Dionysius Alexandrinus in ep. Colâ paschali, cuius hoc fragmentum extat apud Eusebium.

Vbi descriptsit immanem à peste L. 7.
cladem quam passus est Romanus c. 17.
orbis; cœlo vindice obfusum per
scelus Christianorum sanguinem,
tum extollit, ac prædicat flagrantissimam eorum caritatem, qui in
iuuandis ægris operam, vitamque
profuderant. Hic ex illius ore sensus
fuit illius temporis, ac veneranda
æ antiquitatis. Adeo, inquit, ut
istud mortis genus, quod propter in-
credibilem pietatem, & robustam
fidem suscipiebatur, nihil à marty-
rij splendore abesse videbatur.

Hic stylum, oculumque fige,
mi lector, & in eo caritatis officio
suspice incredibilem pietatem ac ro-
bustam fidem, quæ nihil à martyrio
fidei causâ suscepto distare vila.
Certè nisi robusta foret ea fides,
palmamque gloriæ sub mentis o-
culos poneret, non adeò vitæ pro-
digia, & mortis esset patiens.

In In-
terpret.
Hist. ipse grauis author ; cuius hoc de
Eusebij. Christianis illius æui est testimo-
nium. Constantissimâ, & ardentissimâ fide, tanquam si martyrij tem-
pus instaret, miserando infirmos, si-
metipso huiusmodi mortibus infi-
reabant, misericordiæ ex hoc marty-
rium capere præsumentes.

Vestros amo, ac veneror æstus
illustres animæ, Heroes inclyti, siue
tuos Francisce, siue tuos Xaueri,

siue

sive etiam tuos, in timido sexu Te-
resia; ab illo certè etiam ad remo-
tas, barbarasq; nationes excessisti,
ut in alieno, ac truculento solo suc-
crescentem vberius martyrij pal-
mam inueniretis, quam in patriâ,
& domi, legere non poteratis; vos
inquam vel ex eo tantum genero-
sæ mentis impetu colo, ac suspicio:
neque vos minus amo, ac demis-
ror, qui vt in sortem martyrum
misericordiæ veniretis; in eâ nior-
borum lanienam lubentes, volen-
tesque descendisti: sed ab arenâ,
campoque gloriæ vestræ, in quem
animo iam abij, ad authores, qui
honori vestro velificantur, reuer-
tor; & Clementi, ac Ruffino addo
Augustinū, cuius authoritas, ac do-
ctrina cœteris facile supereminet.

Querit ille, quod sit Ecclesiaсти-

152 DE FORTITUDINE
ci Pastoris officium , quæ partes in
publicâ calamitate , siue ea creetur
ex barbarorū incursu , atq; illuuię
siue etiam à pestilentis morbi vi
atque strage : eadem enim huius
atque illius est ratio ; & responde
id esse muneris , id officij boni Pa
storis , non sese fugâ periculo sub
ducere , et si possit , cum ita publica
necessitas , caritasq' postularit : dein
de subdit , quæ eis in cælo reposita
laurea ; si mortem in eo Christiany
miserationis studio oppetierint .

Epist.
180.

*Qui, inquit, patiuntur, quia fra
tres, qui eis ad Christianam salutem
indigebant, deserere noluerunt, su
dubiosas animas pro fratribus po
nunt.*

Quanti autem apud eum sita
animæ pro fratribus abiectione , vel ei
eo constat , quod illam etiam ci
mar-

martyrio anteponat, quod subitis,
qui fugiens persecutorem, compre-
henditur, vitamque perdit, ne si-
dem perdat, atque prostituat.

D. Augustino calculum addet
B. Laurentius Iustinianus, qui D.
Martinum vel ex hoc tantum do-
nat martyrij laureâ, quod noluerit
iratis principibus fugiendo pericu-
lum declinare; quæ sententia si ve-
ro proxima, quidni & illum ornet
palma martyrij, qui à morbo leta-
li, ceu tyranno, non fugit, cum ta-
men etiam tuta conscientiâ possit,
urgeantque quodammodo vel ip-
sæ naturæ leges, &c is, qui cuique
insitus est vitæ amor, ac cupiditas,
non fugit inquam; ne quid laban-
ti, atque à lue deficienti fratri deesse
videatur, quod ad animæ salutem
faciat. Sed hactenus Patrum sen-

K 5 tentijs

154 DE FORTITUDINE
tentis pugnatum est satis; et si e-
nim ab illis magnum in hac mate-
riâ pondus accedat, longè tamen
maximum ab authoritate Ecclesie,
cuius etiam solius nutus, & aliquâ
ratione expressus sensus, viro ca-
tholico, bonoq; satis ad fidem esse
debet: hunc porro tenemus, non
tam viuæ vocis oraculo, quâm ex-
emplo firmatum.

Ita enim de SS. Alexandrinis,
qui lue contactos iuuerunt, & in eo
caritatis obsequio dié suum obie-
runt, habent antiquæ tabulæ, &
Romanum Martyrologium Eccle-
siæ authoritate probatum: in quo
hæc leguntur verba pridie calen-
das Martij.

*Alexandriae commemoratio SS.
Presbyterorū, Diaconorum, & alio-
rum quâm plurimorum, qui tempore
Vale-*

Valeriani Imperatoris , cum pestis
sauiissima grassaretur , morbo labo-
rantibus ministrantes , lubentissimè
mortem oppetiere , quos velut mar-
tyres religiosa piorum fides vene-
rari consueuit .

Fuit Alexandria Romanæ Ec-
clesiæ filia , inter ceteras facile prin-
ceps , sede Patriarchali nobilis , & à
D. Marco Christi Scribâ , & Histo-
riographo instituta : à quo indubie
primos hausit , & puros , putosque
Christianæ religionis latices , pla-
citaque veritatis ; inter quæ & illud
Martyrum albo ascribendos illos ,
qui in cōmuni illâ clade , & obuiâ
mortis imagine , ipsis fatis superio-
res euasiſſent ; vitamque in eo cari-
tatis officio deposuiffent ; quos in-
ter ordine , & dignitate primi re-
censentur presbyteri , qui peste la-
boran-

156 DE FORTITUDINE
borantibus sacramentum Confes-
sionis administrarunt.

Proximè sequuntur Diaconi,
qui ex antiquo Ecclesiæ more, ritu-
que operam suam nauabant porri-
gendæ populo Eucharistiæ.

Ep. ad
Hiera.
cen.
Epis.

Deinde alij plurimi, quos è po-
pulo fuisse docet Dionysius Ale-
xandrinus, & his corporum cura
maximè incubuit: partito scilicet
onere, ac labore, ut hi corpus, illia-
nimum in extremitis morbi angu-
stijs leuarent; & cadavera anima-
iam ac spiritu vacua decenter sepe-
lirent.

Et quia illud Christianæ mis-
erationis officiū visum est arduum,
pium, sanctum, qui in eo vitâ ex-
cessissent communi illius Ecclesiæ
sensu, atque approbatione, Sanctos
appellare placuit, vt pote iam rela-
tos

tos in album Sanctorum: superum
omnium, Deique ipsius calculo,
quo Martyres illos misericordiae,
proximos esse voluit martyribus
fidei in sede, thronoque beatitatis.

Ne verò, ut in humanis primum
est, labentibus annis elaboretur ex
hominum animis ea pietas, ac cari-
tas; ne lapsu temporis aliquo mo-
do detereretur: placuit signare diē
vnum, quem ut sacrum haberet,
coleretque Alexandrina Ecclesia,
solemni cōmemoratione SS. Pres-
byterorum, Diaconorū, aliorumq;
plurimorum, quos velut Marty-
res religiosa piorum fides venera-
retur.

Quæ autem fuerit illa dies est
in altâ nocte, dubioque: hoc tamē
in luce, certâq; scientiâ Romanam
Ecclesiam ex veteribus scriptis ho-
rum

158 DE FORTITUDINE
rum athletarum memoriam hau-
sisse, & in suos fastos transtulisse,
cum sacro martyrij titulo ijsdem
iam olim Alexandriæ ascripto, quæ
etiam Romana Ecclesia, quæ Petri
sedes est, ac specula veritatis, in suis
ipsa tabulis, ratum, fixumque ha-
buit, non habitura, nisi etiam Mar-
tyres ipsa probasset, & ab omnibus
Christi fidelibus orbe toto sparis
probari voluisset.

§. 8.

*Mors pro religione, pro fide excepta
eximus actus fortitudinis.*

FOrtem censuit, fortem amavit
Eleazarum Antiquitas: non
eò tantum quod audax in hostem
irruerit, quod aduersa ferro capita
messuerit, sed ob illud vnum vel
maxime, quod elephanto, cui insi-
debat